

# Fautuaga sili ona lelei mo le puipuiga o masini faatekonolosi:

## O nisi nei o faamatalaga e fesoasoani e tausia ai pea lou saogalemu a o e faaaogāina le initaneti.

O le CERT NZ o le matagaluega a le malo e lagolagoina tagata ma pisinisi o feagai ma faafitauli o le puipuiga o masini faatekonolosi.

E saunia e le CERT NZ faamatalaga faatuatuaina ma fautuaga.

Matou te mataala i taimi uma mo le faailoa o faiga e lamatia ai masini faatekonolosi e ono aafia ai Tagatanuu Niu Sila.

E galulue faatasi le CERT NZ ma isi tagata faapea faalapotopotoga i puipuiga o masini faatekonolosi, i le atunuu ma fafo atu, e tausisia ai le saogalemu o Niu Sila mai faiga e lamatia ai puipuiga o masini faatekonolosi.

## /// Faaogā passwords uumi, malosi ma le ese

O se password umi e tutusa lava le malosi ma password e faafaigata numera, mataitusi ma faailoga o tusia ai.

O se tasi o auala faigofie e manatua ai se password umi o faaaogā o se fuaiupu e fa pe sili atu upu o tusia ai.

Mo se faataitaiga, popcornwithbutterisbest!1

## /// Faaogā se password manager

E tāua le ese o password e te faaaogā mo accounts taitasi i luga o le initaneti. O lona uiga o le tele foi lena o password e te manatua!

O le mea lena e aogā ai le “password manager.”

O se faiga e malupuipua ai i luga o le initaneti ma e na o oe e mafai ona tatalaina. E faamauina lelei ai au passwords uma lava.

Na o le tasi lava se password malosi e te manatua mo lau password manager, ma e te lē popole i le isi vaega!

## /// Faaola le two-factor authentication

O le Two-factor authentication (2FA) o le isi lea pui-puiga faaopoopo mo au accounts.

O lona uiga e toe iai le isi faiga e toe tatala ai, e pei o le tusi o se numera na lafo atu i lau telefoni.

E mafai ona faaaogā le 2FA i lau telefoni, tablet, apps ma accounts.

E masani ona e maua le faiga e faaola ai i le privacy settings o le app po o le account.

## /// Faafou lau masini faatekonolosi

A e maua se lapataiga e ta'ua o le 'update' i lau masini faatekonolosi (e pei o lau telefoni, komepiuta, tablet) aua e te lē ano i ai — faafou loa i se taimi vave e mafai ai.

E aogā e faaleleia ai mea ua lē o malosi ai pui-puiga. O le faafou o polokalame faatekonolosi e foia ai tagata tau lamalama mai le faaaogāina o tulaga ua lē o malosi ai pui-puiga e maua ai faamatalaga e patino ia te oe.

Faatulaga le taimi e otomeki ai lava ona faafou i taimi uma e maua ai se polokalame fou e faaaogā. O le auala sili lea, e te lē tau manatua ai e fai!

## /// Siaki faamatalaga e patino ia te oe e te lē manao e faalauaiteleina

Vaai lelei i le tele o faamatalaga e patino ia te oe lava o lena e te faasoaina i luga o le initaneti, faapea ma tagata o lena e te faasoa atu i ai.

E ono mafai e tagata tau lamalama ona faaaogā faamatalaga e te faasoa i luga o le initaneti e maua ai faamaumauga e patino ia te oe ma ave faagaoi ai lou tagata moni.

Vaai lelei i soo se talosaga o tǎpǎ ai faamatalaga patino po o ni talosaga e tusa ai ma tulafono ae e te lei faasoa atu i ai faamatalaga e patino ia te oe.

Afai ua tǎpǎ oe e se kamupani po o se pisinisi mo ni faamatalaga, mafaufau muamua pe aisea latou te moomia ai faamatalaga.

Afai e te lē o mautinoa, aua e te faailoaina ni faamatalaga.

## /// Lipotia

Afai ua iai se faaletonu na e maua ai, po o lau uo, po o lau pisinisi, lipotia tulaga nei i le CERT NZ [www.cert.govt.nz](http://www.cert.govt.nz)